



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

XIII. Aaron,

urn:nbn:de:hbz:466:1-16260

festorum figuram habuit aeneus Serpens, at eorundem veneno caruit: *Deus Filium suum misit in similitudinem carnis peccati, & de peccato damnavit peccatum in carne, ut justificatio Legis impleteretur in nobis. Eum qui non noverat peccatum, pro nobis peccatum fecit, ut nos efficeremur justitia Dei in ipso.* Sed quamvis Adamo similis factus sit Jesus, ejus tamen peccatum, exitiale nobis & damnosum, non habuit: *Tentatus per omnia pro similitudine, absque peccato.* Moyses serpentem aeneum posuit pro signo: de Jesu hæc vaticinatus est Simeon ad Mariam matrem: *Eccæ postus est hic in ruinam, & in resurrectionem multorum in Israel, & in signum cui contradicetur.* Quod & de eo jam ante prædixerat Isaias: *In die illa radix Jesse, qui stat in signum populorum, ipsum gentes deprecabuntur.* Sublatus est uterque in aleum, serpens rigillo, Jesus cruce. Novitii quidem serpentium ignitorum moribus in deserto appetiti, in salutaris aenei Serpentis aspectu remedium quærebant, non tam iis ad quærendam salutem harere debuissent, quæ sub sensum cadebant, quam ferales serpentis antiqui, peccati videlicet, ictus recordari, & ad Dei misericordiam palam omnibus propositam mentis oculos convertere. Narrat autem Justinus in Dialogo cum Tryphone, cum aliquando quæreret à Judæis, annon subesse videretur occultum aliquod mysterium mandato huic de aeneo Serpentis simulacro palam proponendo, quod præscriptæ in Decalogo simulacrorum interdictioni manifesto contraibat, quemdam ex iis ingenue id esse falsum, dein subjecisse, sapius à se rogatos super ea re Doctores suæ gentis, expediendi sui rationem nullam invenisse.

XII. Christum sui similem olim proditurum vaticinabatur Moyses cum diceret: *Propheetam de gente tua, & de fratribus tuis, sicut me, suscitabit tibi Dominus Deus tuus: ipsam audies.* Hujus oraculi veritatem in Jesu eluxisse palam testati sunt Petrus & Stephanus, & accurata ac luculenta comparatione probavit Eusebius libro Demonstrationis Evangelicæ tertio. Cujus dissertationis summa sequar fastigia, Utrumque Deus principem ac ductorem misit, Moysen Ebræorum, hominum omnium Jesum. Uterque se à Deo mislum magnis approbavit miraculis. Moyses Ebræos ex Ægyptiorum servitute vindicavit in libertatem: Jesus homines Dæmonum omnium mancipatos vinculis exemit. Moyses Ebræis per æsertum ad terram promissam, Jesus hominibus per vitæ hujus angustias ad cælestem patriam, ducem se præbuit. Moyses nutu mare silit & exiecat: Jesus sævientes ventos frænat, & tumidos fluctus dictis sedat. Moyses Ebræos trans mare salvos ducit & incolumes: Jesus fluctibus suspensus graditur supra mare, & Petro idem posse concedit. Moyses Ebræos, Jesus homines ab idolorum cultu avertit. Moyses Ebræis, Jesus universo generi humano leges sanxit. Moyses Ebræos, trajecto mari Rubro, Ægyptiorum tyrannidi subduxit: Jesus hominibus per baptismum jugum Dæmonum detrahit. Moyses Deum inter & Ebræos conciliatorem ac proxenetam se gessit: *Unus mediator Dei & hominum homo Christus Jesus,* ait Paulus in Priore ad Timotheum. *Fuit Moyses cum Domino quadraginta dies & quadraginta noctes, panem non comedit & aquam non bibit: Jesus cum jejunasset quadraginta diebus & quadraginta noctibus, postea esurivit.* Moyses splendida facie descendit de monte: Jesus consensu cum tribus Apostolis monte, *transfiguratus est ante eos, & resplenduit facies ejus sicut Sol.* Esurientibus Ebræis coturnices & manna de cælo, & aquam de rupe sitientibus, Deus per Moysen ministrum & interpretem in deserto largitus est: Jesus turbæ in deserto fame languenti cibaria non semel suppeditavit, & aquam vitæ se gratis daturum pollicitus est. Septuaginta viros de Senibus Israëliticis, populi magistros ac duces constituit Moyses, cujus & spiritum cum illis communicat Deus: Jesus Discipulos septuaginta duos quoquo versus dimittit, doctrinæ suæ præcones, & Spiritu suo afflatos. Mariam lepris laborantem sanat Moyses: hominem Jesus eodem morbo affectum sanitati restituit. Moyses duodecim exploratores in terram Chanaan, Jesus duodecim Apostolos in universam terram mittit. Osæ filio Nun, Josuæ nomen imponit Moyses: Simonem Jesus Petrum dici jubet. Veteris Testamenti sequester Moyses, Novi conditor Jesus. His adde, Moysen, ac reliquos etiam Israëlitarum liberos, statim ab ortu, nefario Pharaonis mandato fuisse morti addictos, Jesum nascentem ab Herode fuisse ad mortem quæsitum, reliquos etiam Berthelemici tractus infantes trucidatos: Moysen vero & Jesum parato sibi letho à parentibus fuisse subducos. Denique quemadmodum reliquis Prophetis longe præstitit Moyses, sive propheticam facultatem spectes, sive patrata miracula, quod toto capite probavit Maimonides: ita eos, atque ipsum Moysen, Christus longo intervallo superavit, & quoad vim futurorum præsciam, & quoad prodigiorum edendorum facultatem.

XIII. In Aaron quoque, Christi Jesu constat simulacrum. Hic novæ Legis Pontifex,

K k k k

Rom. 8. 3

1. Cor. 5. 21

Ebr. 4. 15

Gen. 21. 9

Luc. 1. 34

Isa. 11. 10, 11

Moses

Deut. 18. 15

Act. 3. 21 & 7.

37

1. Tim. 2. 5

Exod. 34. 28

Matth. 4. 2

Apoc. 21. 17

R. Mos. ben

Maimon, in

More Nev.

Part. 2. cap. 35,

Aaron,

- quod fusa disputatione probavit Paulus in Epistola ad Ebræos; ille priscæ. Unctus ille oleo ex baccis arborum expresso, hic oleo lactitiæ. Dixit Dominus ad Moysen, Ecce constitui te Deum Pharaonis, & Aaron frater tuus erit propheta tuus: de Christo Jesu dixit Moyses: Prophetam de gente tua, & de fratribus tuis, sicut me, suscitabit tibi Dominus Deus tuus; ipsam audies. Semel ille in anno Sancta Sanctorum inibat solus, non sine sanguine, quem offerebat pro sua & populi ignorantia: Christus Jesus per proprium sanguinem introiit semel in Sancta, æterna redemptione inventa. De Aaron sic Deus ad Moysen: Portabit Aaron iniquitates eorum que obtulerunt & sanctificarunt filii Israël: de Christo Jesu sic Isaias: Vere languores nostros ipse tulit, & dolores nostros ipse portavit, & non putavimus eum quasi leprosum, & percussum à Deo, & humiliatum: ipse autem vulneratus est propter iniquitates nostras, atritus est propter scelera nostra; disciplina pacis nostra super eum, & livore ejus sanati sumus. Deum inter & homines sequenter fuit Aaron: Unus mediator Dei & hominum homo Christus Jesus. Deum Aaron resperso sanguine Testamenti Veteris, quod mandaverat ad Israëlitas Deus, facinorosis hominibus reddebat propitiū: Christus Jesus Novi Testamenti mediator est, ut morte intercedente, in redemptionem earum pravaricationum, que erant sub priori Testamento, remissionem accipiant, qui vocati sunt æterne hereditatis. In seditione Core, Dathanis, & Abironis, cum grassaretur incendium, & noxios sacer ignis corripere, Aaron stans inter mortuos ac viventes, pro populo deprecatus est, & plaga cessavit: fervente peccatorum lue, & humanum genus depascente, in tutum subduxit nos Christus, & periculo exemit; Unde & salvare in perpetuum potest accedentes per semetipsum ad Deum, semper vivens ad interpellandum pro nobis. Neque solum ad vivos, ac porro victuros, sed ad defunctos etiam mortis suæ beneficium pertinere voluit, & Veteris Testamenti promissiones Novi beneficii abunde persolvit.
- XIV. Egregium vero, non nomine solum, sed re etiam, Jesu typum gerit Josue; hic enim successit defuncto Moysi: Jesus abrogata Moysi lege, novam proposuit; Omnes enim Prophetæ & Lex usque ad Johannem prophetaverunt: inquit Jesus ipse apud Matthæum: & Paulus ad Romanos: Finis Legis Christus. Moysi minuter fuit Josue: Ubi venit plenitudo temporis, misit Deus Filium suum factum ex muliere, factum sub Lege. Legem autem Moysi nomine intelligi manifestum est ex eo quod in Evangelio ait Abrahamus: Habent Moysen & Prophetas, audiant illos: & ex eo quod scribit Paulus ad Corinthios: Sed usque in hodiernum diem, cum legitur Moyses, velamen positum est super cor eorum. Moyses ad Chanaanitidis terræ fines Ebræos deduxit, in terram ipsam inducere non potuit, quod præstitit Josue: quomodo id in Christo Jesu expressum sit, sic Paulus Galatas docuit: Scientes autem quod non justificatur homo ex operibus Legis, nisi per fidem Jesu Christi; & nos in Christo Jesu credimus, ut justificemur ex fide Christi, & non ex operibus Legis; propter quod ex operibus Legis non justificabitur omnis caro. Appositum quoque & illud ex Epistola ad Ebræos: Reprobatio quidem sit præcedentis mandati propter infirmitatem ejus & inutilitatem: nihil enim ad perfectum adducit Lex, introductio vero melioris sp̄s, per quam proximamus ad Deum. Quam itaque per Legem Moysi obtinere homo non poterat, Jesu Christi beneficio promissam terram, cælestem nempe patriam assequitur. Chanaanitidis terræ, Jordane trajecto, compotes Ebræos facit Josue: in patriam cælestem ablutos nos baptismi aquis inducit Jesus. Duodecim lapides de Jordanis alveo sublato ad posteritatis memoriam in castris statui jubet Josue, atque alios item duodecim in ipso Jordanis alveo: Jesus duodecim feligit Apostolos, quorum Principi derivatum à petra nomen impoluit; ipsos vero fundamentum mysticæ suæ domus esse jussit. De his sic Paulus ad Ephesios: Estis cives Sanctorum, & domestici Dei, superadificati super fundamentum Apostolorum & Prophetarum; ipso summo angulari lapide Christo Jesu, in quo omnis adificatio constructa crescit in templum sanctum in Domino. De iis & multo ante Zacharias in hæc verba: Et salvabit eos Dominus eorum in die illa, ut gregem populi sui; quia lapides sancti elevabuntur super terram ejus. Secundæ circumcisionis Ebræis administer fuit Josue: in Jesu circumcisi sumus, circumcisione non manu facta, in expoliatione corporis carnis; sed in circumcisione Christi, circumcisione cordis in spiritu, non litera. Josue circumcidit Israëlitas in Galgalis, unde & loco nomen; quod opprobrium incircumcisæ Ægypti ab Ebræis illic fuisset amotum & devolutum: Jesus opprobrium nostrum morte sua amovit & devolvit in Golgotha: cujus nominis origo eadem est quæ vocabuli Galgal, nimirum ḡ. Bellator Josue, bellator & Jesus, cujus ex ore gladius anceps exibat, Sic Israëlita denique de Josue: Sicut obedivimus in cunctis Moysi, ita obedimus ei: sic Jesus ad Israëlitas: Si crederetis Moysi, crederetis forsitan & mihi.
- XV. Insunt in Samfone notæ plurimæ, quas ad Christum Jesum merito referre possis. Matre sterili natus est Samson: Virgine matre natus est Jesus. Samsonis matri